

Powšitkowne WOZJEWJENJA

njedźelu, 2. awgusta 2026

Nabožne wusyłanja w serbskim rozhłosu

Katolske nabožne wusyłanje w Serbskim rozhłosu MDR ma tutu njedźelu, 2. awgusta, Radworski farar Beno Jakubaš. Wotkaz na nabožne wusyłanje w mediatece MDR je pod www.posol.de podaty.

Duchowna hudźba w tachantskej cyrkwi

Nyšpor w rjedže duchowneje hudźby je tutu njedźelu, 2. awgusta, we 18.00 hodź. w Budyskej tachantskej cyrkwi swjateho Pětra. Tónraz wobrubja jón kwartet lěsnych różkow HornVIERus a skupina dujerjow hořtwjerskich różkow Lausitzer Hörnergruß. Wšitcy su wutrobnje přeprošeni.

Kemše w Róžeńće na Marije donjebjeswzaća

Serbskorěčna Boža mša z požohnowanjom zelow na swjedženju swjateje Marije donjebjeswzaća sobotu, 15. awgusta, w Róžeńće budže w 9.00 hodź. Wšitcy wěriwi su wutrobnje přeprošeni.

Serbske kemše w Nowej Cali

W klósterskej cyrkwi w Nowej Cali budže farar Beno Jakubaš srjedu, 12. awgusta, w 10.30 hodź. z Radworskimi firmujomnymi Božu mšu w serbskej rěči swjećić. Na nju su tež wšitcy dalši přeprošeni. Organist mjez nimi njech so na fararja Jakubaša wobroći.

Ekumeniski nyšpor w klóštrje

Křesćansko-socialny kubłanski skutk z.t. přeprošuje zhromadnje z klóštrom Marijinej hwězdu na zelowu njedźelu do Zežiwjenskeje a zeloweje zahrody w Pančicach-Kukowje. Na hosći čaka njedźelu, 16. awgusta, wo 13.00 hodź. pisany program, mjez druhim z Wudworskim folklornym ansamblom, tež zelowe a regionalne wiki so wotměja. Zakónčacy ekumeniski nyšpor z Budyskimaj duchownymaj – tachantskim fararjom, kanonikom Witom Sćapanom, a superintendentom Tilmannom Poppom – budže w 17.00 hodź.

„Serbskej nocy“ w Smochćicach

Budyski Serbski ludowy ansambl (SLA) a Smochčanske kubłanišćo swjateho Bena přeprošujetej tež lětsa na hudźbny swjedžeń na dworje kubłanišća. Pjatk a sobotu, 21. a 22. awgusta, wotmějetej so tam přeni raz „Serbskej nocy“. Započatk je stajnje w 20.00 hodź. W programje předstaja znate, ale tež pozabyte twórby z nimale 75 lět stawiznow SLA. Mjez nimi budu dotal na jewišću drje hišće njepřednjesena kompozicija Jana Rawpoweho „Kokota“ kaž tež džěla nimale njeznateho serbskeho komponista Dietera Nowki (1924–1998), kiž je w Choćebuzu skutkował. Nimo hudźbnego programa změje Smochčanski dom tež kulinariski poskitk regionalneje kuchnje. Zastupny lisćik za hudźbny swjedžeń móža sej zajimcy mjez druhim online kupić. Link je pod www.posol.de wozjewjeny.

Duchowne impulsy jezuitow

Pod hesłom „One minute Homily“ (Jednomjeńšinske předowanje) přednjesu jezuića w krótkich widejach poselstwo ewangelija njedźelu a cyrkwinske swjate dny do wšědnego žiwjenskeho wobswěta a dawaja impuls za nowy tydźeń. Mjez wjacorymi předarjemi je z Kulowa pochadźacy pater Fabian Rječka. Link k widejam je pod www.posol.de podaty.

Putnikowanje křižerjow do Roma

Serbscy křižerjo, kotřiž chcedža so klětu na putnikowanju wot soboty do soboty, 1. do 8. meje, wobdźělić, móža so hač do póndžele, 31. awgusta, online přizjewić. To je na internetowej stronje www.posol.de kaž tež přez tule podaty QR-code móžno. Tam su tež nadrobne informacije podate.



Zaškleńčne molowanje

Džěci wot staroby sydom lět móža wutoru, 11. awgusta, wot 10.00 do 12.30 hodź. w Budyskim Serbskim muzeju zaškleńčne molowanje zeznać a nałožować. Krok po kroku nawuknu wosebitu wumělsku techniku, tak zo nastanje na škleńcy hotowa molowanka. Přizjewjenja přijimuje Serbski muzej pod mailowej adresu ticket@sorbisches-museum.de abo telefonisce pod čisłom (0 35 91) 2 70 87 00.

Dekanatna młodźina na wulět přeprašena

Serbska dekanatna młodźina je tež lětsa na zhromadny wulět prašena, kotryž budže njedźelu, 13. septembra. Přeprašeni su tohorunja młodostni wot přichodneho 9. lětnika. Planowane je z busom do Sprjewjow (Sprey) pola Hamora jěć, hdžež budže zhromadny nyšpor. Přizamknje so čołnikowanje z Čelna do Noweho Města nad Sprjewju. Tam wulět z grilowanjom wuklinči. Wotjězd busow budže w 12.00 hodź., mjez druhim z Kulowa kaž tež z Chrósćic a potom wotpowědnje přizjewjenjam po wsach. Młodostni nawróća so wokoło 19.30 hodź. Přinošk wučinja na wobdźělnika 25,00 eurow, čłonojo serbskeho dekanatneho kružka kaž tež wobsedźerjo karty JULEICA plaća pjeć eurow. Zajimcy měli so hač do póndžele, 10. awgusta, online přizjewić. Link je pod www.posol.de wozjewjeny.



Swjedźenski dzeń we Vilemovje ze serbskim podžěłom

W sewjeročěskim Vilémovje (Wölmsdorf) spominaja lětsa na 300. róčnicu poswjećenia tamnišeje cyrkwy Marije donjebjeswzaća. Tole kaž tež 200lětné wobstaće putnikowanja k swjatnicy, kiž měješe sčasami wobšěrny serbski podžěl, chcedža na swjedženju Marije donjebjeswzaća, sobotu, 15. awgusta, wopominać. Wosebje Łužiscy Serbja su na to wutrobnje přeprašeni. W zhromadnym džěle z Budyskim Serbskim muzejom pokazaja wustajeńcy „Prjedy hač woteńdžeš“ a „PRISMA. Žiwjenje při Klósterskej wodze.“ Wjeršk swjatočnosćow tworí putniska Boža mša w 17.00 hodź. z Praskim arcybiskopom Stanislavom Přibylom.

Ekumeniski dworowy swjedźeń w Hrubjelčicach

Serbske ewangelske towarstwo a Maćijec swójba přeprašujetej wšitkich Serbow na lětnje pućowanje a serbski swjedźeń sobotu, 22. awgusta. Započatk je w 14.00 hodź. na Jaworkec/Maćijec dworje w Hrubjelčicach, Čěchorječanska 16. Wottam podadža so na pućowanje do wokoliny. Po tym budže na Jaworkec/Maćijec dworje kofej spřihotowany. Přizamknje so w 17.00 hodź. serbska ekumeniska nutrnosť z dekanom Witom Šćapanom a superintendentom Krystofom Rummelom. Wot 18.00 hodź. hač do nocy scěhuje hudźba Drježdźanskeje kapały Podka pod nawodom Jurja Čornaka. Při sylnym dešču zahaji so ekumeniske popołdno w 17.00 hodź. w bróžni na Jaworkec/Maćijec dworje.